



Reglament d'absenzas e congedis per la scola dalla vischnaunca Tujetsch



Approbaus entras il cussegl da scola ils 14 da schaner 2020

Reglament d'absenzas e congedis

Sefundond sils artechels 28/68¹/96 dalla lescha da scola cantunala dils 02-03-2012, sin artechel 25 dall'ordinaziun tier la lescha da scola cantunala sco era sin artechel 12^{2.12} digl uorden da scola dalla vischnaunca Tujetsch, relai il cussegl da scola dalla vischnaunca Tujetsch suandont reglament d'absenzas e congedis.

B. Principi

Las personas cun la pussonza dils geniturs ein responsablas che lur affons frequentien regularmein la scola.

Persunas cun la pussonza dils geniturs che cunterfan a questa stipulaziun vegnan castigai tenor artechel 96 dalla lescha da scola cantunala.

B. Absenzas

a) Absenzas perstgisadas

Sco perstgisas per absenzas valan en special:

- malsogna ni accident dil scolar
- prighel da lavinas, relaziuns da vias buca responsablas
- visetas tier il dentist ni il miedi
- mort d'in confamigliar ni da personas cun ina stretga relaziun persunala e sepulturas da tierparents

Il scolast da classa ei mintgamai d'informar ad uras davart l'absenza.

En cass d'absenzas che cuozan dapli che 5 dis (accident, malsogna) sa il menader da scola pretender dalla persona responsabla per l'educaziun in attestat dil miedi.

b) Absenzas buca perstgisadas

Vegn l'instrucziun munchentada per in auter motiv ni per in motiv prevesibel, sto il scolar procurar avon l'absenza per la lubientscha necessaria. Cass cuntrari ei l'absenza, tenor art. 55 dalla lescha da scola cantunala, buca perstgisada.

C. Congedis

Tenor art. 28 dalla lescha da scola cantunala sa il cussegl da scola (ni las personas cumpetentas) dar in congedi da tochen 15 dis ad onn ad in scolar sin fundament da raschuns giustificadas.

D. Damondas/lubientschas da congedi

a) Damondas da congedi

Damondas da congedi ein adina d'inoltrar a scret al scolast da classa cun risguardar ils suandonts termins:

- per absenzas dad 1 di 3 dis avon
- per absenzas sur 1 di 1 jamna avon

Il scolast da classa decida tenor cumpetenzas ni dat vinavon la damonda al menader da scola.

b) Lubientschas da congedi

Per las lubientschas da congedi ein cumpetents:

- scolast da classa damondas per 1 di
- menader da scola damondas tochen 2 dis
- presidi dil cussegl da scola damondas da 3 - 5 dis
- cussegl da scola damondas da 6 - 15 dis
- uffeci per la scola populara ed il sport damondas sur 15 dis

Avon e sunter las vacanzas dat ei per regla negins congedis.

Mintgin scolar ha ad onn la pusseivladad da prender dus dis da joker.

En cass da dubi sto l'istanza superiura vegnir integrada. Il menader da scola sto vegnir informaus sur da mintga congedi. Plinavon ein las absenzas dils scolars da purtar el Cumpogn da viadi.

E. Motivs per congedis

a) General

- Da principi dat ei negin dretg sin congedis.
- Il congedi duei veramein pertucar il scolar directamein. Il scolar astga buca mo esser aspectatur, accumpignader ni gidonter.
- Il congedi duei mo vegnir lubius, sch'igl ei buca pusseivel d'exequir quell'activitad el temps liber.
- La lubientscha per in congedi duei buca esser dependenta dallas prestaziuns en scola, la persona responsabla per l'educaziun dil scolar duei denton vegnir informada, sche la promoziun digl affon ei periclitada.
- Per motivs disciplinars e pervia da schliet depurtament sa ina damonda da congedi vegnir renviada ni lubida mo cun resalva.
- Il scolar pren sunter la materia tractada durant siu temps d'absenza e s'interessescha sez (resp. ils geniturs) per il material ch'el drova.

b) Congedis da sport e da tempra culturala

- Il scolar duei esser qualifichaus specialmein en certas disciplinas sportivas ni sin in camp cultural (musica, cant, art, etc.).
- Ina qualificaziun/ina damonda da trenaders, dirigents ni d'istanzas sportivas e culturalas duei esser avon maun.

c) Fuffergnadis (mo per la scola superiura)

- Sche pusseivel han ils scolars d'absolver lur fuffergnadi durant il temps da vacanzas. Tier cass motivai sa il scolast da classa lubir in fuffergnadi durant il temps da scola, en special sch'el ei necessaris per survegnir la piazza d'emprendissadi. Per regola vegnan ils fuffergnadis lubi

suentar il secund semester dil secund davos onn da scola (mira directivas e formular per fuffernadis dil scalem superiur).

- Ils scolars dalla secunda superiura survegnan la pusseivladad dad ir da fuffernar per tschun dis duront las jamnas dalla scola sur l'entir onn da scola ora. Tut tenur lur basegn.

d) congedi da scoletta

Ils scolarets astgan piu ord la scoletta per **max. 3 singuls dis** ad onn senza dar en in motiv. Quei che surpassa ils treis singuls dis ston ils geniturs inoltrar in congedi tenor quei reglament.

Il termin d'annunzia da congedi ston vegnir teniu ein.

F. Informaziun e surpassaments

Ils geniturs vegnan informai davart il reglament d'absenzas e congedis a caschun dalla sera da geniturs. Ils scolars vegnan informai mintgamai all'entschatta digl onn da scola dil scolast da classa.

Surpassaments entras scolars vegnan castigai cun lavur cumina ni pensums da scola supplementars el temps liber. La survegionza succeda entras il menader da scola.


Surpassaments caschunai per cuolpa dallas persunas cun la pussonza dils geniturs vegnan castigai cun ina multa da tochen frs. 500.00 (LS art. 96). Sche quels cass serepetan sa la multa vegnir dublegiada.

G. Disposiziuns finalas

Quei reglament entra en vigur cun l'entschatta digl onn 2021. El remplazza tut ils reglaments d'absenzas e congedis valeivels tochen uss.

Approbau entras il cussegl da scola ils 14 da schaner 2021.

Il president:



.....
Ronny Levy

Il meinascola:



.....
Gian-Reto Nufer